



Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Caluinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Acta Apostolorum to. primus

Stapleton, Thomas

Antverpiæ, 1595

48. Sed non excelsus in manufactis habitat.

urn:nbn:de:hbz:466:1-39424

Caluini incredibilis impudentia, qui propter vocabulum *typi* seu *figure* rebus nulla veneratione dignis accommodatum merito damnatum, idem vocabulum Christo & Sanctis eius accommodatum damnatione dignum concludit. Non est igitur (vt Calvinus garrir) in hoc insistendum, quod ipsis idolis honestū vocabulum Propheta concedat, quasi honestum imaginis aut *typi* vocabulum in nullo sensu cultum legitimum significare possit; sed in hoc insistendum est, quod quemadmodum honestum vocabulum *typi*, tamen si idolis hoc loco tribuatur, in alijs tamen scripturis (vt Calvinus hic agnoscit) caeremonijs legalibus ad Dei cultum pertinentibus rectissimè tribuitur; sic idem vocabulum Christi & Sanctorū imaginibus vera veneratione dignis tribui potest, tamen si hic à Propheta idolo tribuatur, idq; respectu eius quod vitiosè significat & figurat; ratione, inquam, obiecti vitiosi, multoq; magis cultus vitiosi circa tale obiectum, non simpliciter & absolute, vt Calvinus vult.

48. *Sed non excelsus in manufactis habitat.*

His verbis quomodo Hæretici abutantur, vt puriorem Dei cultum in templis Deo consecratis hominum animis euellant, & quomodo illis occurrendum, contra varias Caluini corruptelas in Promptuario

ptuario nostro Catholico iam dudū ostendimus: quē idcirco hoc loco non reperimus. Vide Dominicam 9. post Pentecosten ad illa Christi verba: *Domus mea, domus orationis* Luc. 19. *vocabitur.*

51. *Dura cervice, & incircuncisis cordibus & auribus, vos semper Spiritui Sancto resistitis, sicut & patres vestri.*

Contaminat hunc locū insigniter Calvinus, ut efficacis gratiæ necessitatem, quæ liberam cooperationem tollit, ex hoc loco evidenter refutatam stabiliat atque defendat: *Resistere* (inquit) *Spiritui dicuntur, qui eum in Prophetis loquentem contumaciter reijciunt. Neque enim de arcanis revelationibus hic agitur quas Deus cuique intus inspirat, sed de externo ministerio: quod diligenter notandum est.* Hæc ille. Nempe diligenter hoc notari vult, ut Catholicam doctrinam eludat, quam Concilium Tridentinum his verbis expressit: *Tangente Deo cor hominis per Spiritus Sancti illuminationem, inspirationem illam homo abijcere* seff. 6. cap. 5. *potest.* Hæc igitur arcana revelatio, quam Deus cuique inspirat, abijci ab homine potest, & de ea loqui Stephanum clarius est quam ut probari necesse sit. Ait enim, *Spiritui Sancto resistitis.* Opus autem Spiritus S. proprium est intus commovere, siue mediāte prædicatione Ecclesiastica, siue absque illa. Sanè in solo externo ministerio nisi Spiritus Sanctus

Efficacis
gratiæ in
sensu
Calvini
refutatio.

seff. 6.
cap. 5.